

**MESYUARAT PERTAMA, PENGGAL KEDUA
PARLIMEN KEEMPAT BELAS
PEMBERITAHUAN PERTANYAAN
DEWAN RAKYAT MALAYSIA**

PERTANYAAN : BERTULIS
DARIPADA : YB DATUK SERI DR. ADHAM BIN BABA
KAWASAN : TENGGARA

SOALAN :

YB DATUK SERI DR. ADHAM BIN BABA minta **MENTERI KERJA RAYA** menyatakan berapakah jenis penyelenggaraan jalan-jalan persekutuan yang dikendalikan oleh JKR dan berapakah jumlah peruntukan yang telah diberikan kepada JKR daerah Kota Tinggi khasnya untuk Parlimen Tenggara sahaja dari tahun 2013, 2014, 2015, 2016, 2017, 2018 serta apakah jalan baru yang akan dibina oleh JKR pada tahun 2019 hingga 2020 dalam Parlimen Tenggara.

JAWAPAN :

Tuan Yang Di-Pertua,

Untuk makluman Ahli Yang Berhormat, jenis penyenggaraan di laluan Persekutuan yang dilaksanakan oleh pihak konsesi yang dilantik oleh kerajaan adalah meliputi skop penyenggaraan rutin, berkala pavemen, berkala bukan pavemen dan kerja kecemasan. Kerja-kerja penyenggaraan rutin seperti penampalan lubang jalan (*pothole*), penyenggaraan bahu jalan, memotong rumput, penyenggaraan perabot jalan, mencuci saliran, penyenggaraan pembetung & jambatan serta rondaan rutin dilaksanakan mengikut pusingan kerja yang telah ditetapkan dalam perjanjian konsesi. Kerja-kerja berkala pavemen dan berkala bukan pavemen pula dilaksanakan mengikut kelulusan peruntukan yang diterima, manakala bagi kerja kecemasan pula, ia dilaksanakan oleh syarikat konsesi jika keadaan memerlukan.

Jumlah peruntukan yang telah diluluskan bagi kerja-kerja penyenggaraan jalan di kawasan Parlimen Tenggara dari tahun **2013** sehingga **2018** adalah seperti di **Lampiran A**.

Manakala bagi projek jalan Persekutuan di dalam kawasan Parlimen Tenggara, berdasarkan semakan oleh Kementerian Kerja Raya setakat ini tiada permohonan daripada pihak Kerajaan Negeri Johor bagi *Rolling Plan* 4 Tahun 2020 Rancangan Malaysia Ke-11 untuk melaksanakan projek-projek infrastruktur jalan di dalam kawasan Parlimen Tenggara. Sehubungan itu, Kementerian ini mencadangkan agar pihak Kerajaan Negeri Johor mengenalpasti dan mengemukakan permohonan untuk membina jalan baharu atau menaiktaraf jalan sedia ada di dalam kawasan Parlimen Tenggara di dalam *Rolling Plan* yang akan datang.

Sekian, terima kasih.

LAMPIRAN A**RUMUSAN KELULUSAN PERUNTUKAN PENYELENGGARAAN JALAN PERSEKUTUAN KAWASAN PARLIMEN TENGGARA BAGI
TAHUN 2013 SEHINGGA 2018**

BIL.	SKOP PENYENGGARAAN	KELULUSAN PERUNTUKAN BAGI TAHUN						JUMLAH (RM)
		2013 (RM)	2014 (RM)	2015 (RM)	2016 (RM)	2017 (RM)	2018 (RM)	
1	RUTIN	3,797,558.40	3,797,558.40	3,797,558.40	3,797,558.40	3,797,558.40	3,797,558.40	22,785,350.40
2	BERKALA PAVEMEN	2,220,000.00	786,000.00	2,800,000.00	2,600,000.00	200,000.00	1,600,000.00	10,206,000.00
3	BERKALA BUKAN PAVEMEN	260,000.00	84,000.00	482,000.00	150,000.00	900,000.00	250,000.00	2,126,000.00
	JUMLAH (RM)	6,277,558.40	4,667,558.40	7,079,558.40	6,547,558.40	4,897,558.40	5,647,558.40	35,117,350.40